

Na osnovu člana 25. Odluke o komunalnom redu ("Sl. novine općine Zenica" br. 7/11, prečišćen tekst 2/13), člana 8. Odluke o korišćenju javnih površina ("Sl. novine općine Zenica" br. 9/99 i "Sl. novine Grada Zenica" br.1/18) i Saglasnosti Gradonačelnika Zenice od 14.06.2019. godine, od 26.08.2019. godine i 29.05.2020. godine Javno preduzeće za prostorno planiranje i uređenje grada "Zenica" d.o.o. Zenica **objavljuje**

PONOVNI KONKURS

za dodjelu lokacija na privremeno korištenje radi postavljanja reklamnih naprava na području grada Zenica, licitacijom putem zatvorenih koverti

Urbanističko-tehničkim uslovima Službe za urbanizam od 07.05.2019. godine i 12.07.2019. godine određene su lokacije za postavljanje reklamnih objekata na području grada Zenica:

BROJ LOT-a	Vrsta objekta	LOKACIJA	TLOCRTNE DIMENZIJE OBJEKTA	UKUPAN BROJ OBJEKATA	POČETNA CIJENA ZA POSTAVLJANJE JEDNOG OBJEKTA, MJESEČNO U KM
LOT-1	Reklamni pano tipa "YUMBO"	Ul. Bistua Nuova - potez od prilazne saobraćajnice za JP "VIK" do prilazne saobraćajnice za BP "Brkić-Petrol"	510 m x 240 cm	4	320,00
LOT-2	LED BILBORD	Rondo Mokušnice - zelena površina na uglu Ul. Sarajevska i Armije BiH	Površina led displeja od 25 m ² do 30 m ²	1	500,00
LOT-3	LED BILBORD	Rondo Stacionar - zelena površina na uglu Ul. Zmaja od Bosne i Bulevar Kralja Tvrtka I	Površina led displeja od 25 m ² do 30 m ²	1	500,00
LOT-4	LED BILBORD	Bulevar Kralja Tvrtka I - zelena površina ispred perona Autobuske stanice	Površina led displeja od 25 m ² do 30 m ²	1	500,00

Pravo učešća na Konkursu imaju sva pravna i fizička lica koja su registrovana, odnosno imaju odobrenje nadležnog organa za obavljanje usluga reklamiranja i oglašavanja.

Svaki ponuđač može da aplicira na jedan, više ili sve LOT-ove.

Prijava treba da sadrži:

- Identifikacione podatke ponuđača i to za fizičko lice: prezime, ime jednog roditelja i ime, adresu i broj telefona, a za pravno lice : naziv, sjedište, adresu, broj telefona i ID broj,
- Aktuelni izvod iz sudskog registra za pravno lice, odnosno odobrenje nadležnog organa za obavljanje predmetnih djelatnosti za fizičko lice,
- Dokaz o izmirenim poreznim obavezama i doprinosima ponuđača (Potvrdu Porezne uprave o izmirenim direktnim porezima i doprinosima iz plaće i na plaću i potvrdu UIO o izmirenim indirektnim porezima) nakon objave Konkursa,
- Uvjerenje o izmirenim obavezama prema Gradu Zenica iz osnova komunalne naknade, zakupa poslovnog prostora i korištenja javne površine nakon objave Konkursa,
- Potvrdu Centralne banke da račun ponuđača nije blokiran nakon objave Konkursa,
- Cijenu za jedan objekat u okviru LOT-a. Određivanjem cijene za jedan objekat podrazumijeva da ponuđač aplicira za postavljanje objekata na svim lokacijama u okviru LOT-a br. 1,

- g) Dokaz o uplati troškova za učešće na Konkursu u iznosu od 50,00 KM po jednom LOT-u uplaćenih na transakcijski račun JP za prostorno planiranje i uređenje grada «Zenica» d.o.o. Zenica broj: 134-010-0000139121 otvorenom kod „ASA banke“ d.d. Sarajevo
- h) Dokaz o uplati sredstava na ime garancije za ozbiljnost ponude za svaki LOT u iznosu 10% od početne cijene za dvanaest mjeseci za svaki LOT i to: za LOT-1 u iznosu od 1.536,00 KM, za LOT-2, LOT-3 i LOT-4 od po 600,00 KM na transakcijski račun JP za prostorno planiranje i uređenje grada «Zenica» d.o.o. Zenica broj: 134-010-0000139121 otvorenom kod „ASA banke“ d.d. Sarajevo. Sredstva ostaju na transakcijskom računu Javnog preduzeća za prostorno planiranje i uređenje grada „Zenica“ d.o.o. Zenica do dana zaključenja ugovora sa izabranim ponuđačem.

Tražena dokumentacija mora biti dostavljena u originalu ili ovjerena kopija, a za tačke a) i b) originalni i kopije ne mogu biti stariji od tri mjeseca od dana podnošenja ponuda.

Ponovni Konkurs će se objaviti u listu „Oslobođenje“ i na WEB stranici Grada Zenica, a pismene prijave na Konkurs podnose se najkasnije do 20.09.2021. godine do 12 sati na adresu: Javno preduzeće za prostorno planiranje i uređenje grada «Zenica» d.o.o. Zenica, Ul. Mehmedalije Tarabara br. 15, Zenica. Ponude treba dostaviti u jednoj zatvorenoj koverti sa naznakom „Ponuda na Konkurs za dodjelu lokacija za privremeno postavljanje reklamnih objekata na području Grada Zenica–ne otvarati“, sa naznakom LOT-a, odnosno LOT-ova na koji ponuđač aplicira.

Ukoliko ponuđač aplicira na više LOT-ova potrebno je dostaviti jedan komplet dokumentacije koja je tražena u tačkama a) do e), a u odvojenim kovertama sa naznakom svakog LOT-a, ponuđenu cijenu za taj LOT, dokaz o izvršenoj uplati troškova za učešće na Konkursu za taj LOT i dokaz o uplati depozita za ozbiljnost ponude za taj LOT.

Javno otvaranje ponuda održat će se istog dana, 20.09.2021. godine u 13 sati u prostorijama Javnog preduzeća za prostorno planiranje i uređenje grada «Zenica» d.o.o. Zenica.

Otvaranju ponuda može prisustvovati ovlaštenu predstavnik ponuđača.

Provođenje Konkursa, javno otvaranje ponuda, analizu ponuda i prijedlog izbora korisnika javne površine sa kojim će se potpisati ugovor o korištenju vrši Komisija za provođenje Konkursa. Prigovor na Odluku o izboru najpovoljnijeg ponuđača može izjaviti svaki učesnik na Konkursu pismeno Gradonačelniku grada Zenice u roku od 5 dana od dana prijema Odluke o izboru najpovoljnijeg ponuđača.

Uslov za izbor najpovoljnijeg ponuđača je blagovremena i potpuna prijava najmanje jednog ponuđača za svaki Lot iz Konkursa. Nepotpune i neblagovremene prijave se neće razmatrati.

Kao najpovoljnija ponuda smatra se ponuda sa najvišom ponuđenom cijenom u odnosu na početnu.

U slučaju da budu dostavljene dvije ponude sa istom cijenom ponuđači su obavezni dostaviti nove ponude u zatvorenoj koverti u roku od 48 sati od sata otvaranja, a ukoliko i tada budu dostavljene iste ponude, prednost će imati ponuđač koji je ranije dostavio ponudu na adresu Javnog preduzeća za prostorno planiranje i uređenje grada "Zenica" d.o.o. Zenica.

Sa najpovoljnijim ponuđačem koji dostavi potpunu prijavu i ponudi najvišu cijenu u odnosu na početnu, zaključit će se ugovor o korištenju javne površine, za LOT-1 na period od dvije godine, a i za LOT-2, LOT-3 i LOT-4 na period od dvije godine, u roku od sedam dana od dana pravosnažnosti odnosno konačnosti Odluke o izboru najpovoljnijeg ponuđača.

Nakon potpisivanja ugovora sa najpovoljnijim ponuđačem izvršit će se povrat uplaćenih sredstava na ime garancije za ozbiljnost ponude ponuđačima.

Ponuđač koji bude odobran kao najpovoljniji ponuđač obavezan je u roku od sedam dana od dana zaključenja ugovora podnijeti Službi za urbanizam Zahtjev za izdavanje Rješenja o urbanističkoj saglasnosti za korištenje dodijeljenih lokacija i pribaviti sve potrebne saglasnosti komunalnih ili drugih javnih preduzeća za postavljanje, odnosno izmještanje postojećih infrastrukturnih objekata te je obavezan da finansira troškove priključenja LED BILBORDA na vlastito brojilo odnosno reklamnog panoa na sistem javne rasvjete. Za dobijanje rješenja o odobrenju za građenje za postavljanje LED BILBORDA potrebno je dostaviti svu potrebnu projektnu dokumentaciju rađenu od ovlaštene projektantske kuće Službi za urbanizam Grada Zenica. Odabrani ponuđač s kojim je zaključen Ugovor o korištenju javne

površine dužan je u roku od šest mjeseci od dana roka na koji je Ugovor zaključen postaviti LED BILBORD i priključiti njegovo brojilo na elektroenergetski sistem. U suprotnom Ugovor će se raskinuti.

Grad Zenica će zaključenim ugovorima o korištenju javne površine radi postavljanja LED BILBORDA za svaki objekat za LOT-2, LOT-3 i LOT-4 usloviti da vlasnik bilborda omogući Gradu Zenica, bez naknade, ukupno 3 minute za obavještanje i dnevno informisanje za potrebe građana Grada Zenica u svakom satu od 24 sata emitovanja sadržaja na bilbordu.

Urbanističko-tehnički uslovi Službe za urbanizam od 07.05.2019. godine i 12.07.2019. godine kojima su određene predmetne lokacije i karakteristike reklamnih naprava mogu se pogledati u Javnom preduzeća za prostorno planiranje i uređenje grada «Zenica» d.o.o. Zenica, u kancelariji 104.

Javno preduzeće za prostorno planiranje i uređenje grada "Zenica" d.o.o. Zenica na prijedlog Komisije uz saglasnost Gradonačelnika zadržava pravo da u svakoj fazi postupka, do konačnosti odluke o izboru najpovoljnijeg ponuđača, isti poništi.

U slučaju da prvorangirani ponuđač koji je odlukom o izboru izabran kao najpovoljniji odustane od zaključenja ugovora Javno preduzeće za prostorno planiranje i uređenje grada "Zenica" d.o.o. Zenica zadržava pravo da zadrži uplaćena sredstva na ime garancije za ozbiljnost ponude tog ponuđača, i u tom slučaju će poništiti Konkurs za taj LOT, a ostalim ponuđačima vratiti uplaćena sredstva na ime garancije za ozbiljnost ponude.

Sve informacije vezane za Konkurs mogu se dobiti na telefon 032/460-926, kontakt osoba Balić Vildana i na telefon 032/460-937 Krivić Begzada.